

Galvanostegista AFQ

Galvanostegist AFQ

Chemie, Kunststoffe

Durada

3 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF
650.-
2. onn d'emprendissadi: CHF
790.-
3. onn d'emprendissadi: CHF
1100.-

Galvanostegistas e galvanostegists AFQ elavuran e protegian surfatschas d'objects ord metal u materia sintetica cun metter els en bogns galvanics u chemics. Per far quai surtirain els ina fina rasada d'in metal u d'in auter material sin la surfatscha dals objects sablunai u pulids. Uschia vegnan quels nobilisads, vegnan main spert da ruina e daventan pli conductivs ed isolads.

Incumbensas

Preparaziun dals objects

- analisar la structura da la surfatscha e definir ils detagls per il tractament preliminar u la fermezza da la forza electrica
- eleger tut tenor l'object il med da tractament adattà
- definir la quantidad da las parts integralas e da las substanzas chemicas necessarias per la soluziun da sal metallic, l'uschenumnà electrolit
- far bogns d'electrolit, analisar e survegliar

Tractament d'objects

- sfunsar ils objects en ils bogns d'electrolit e resguardar - tut tenor metal - ils differents temps da tractament
- far controllas d'auta precisiun da las rasadas da metal durant ch'il metal sa distatga ed interprender mesiras correspundentas tar irregularitads
- diriger e survegliar ils indrizs galvanics automatisads en ils quals ils metals sa depositeschan cun agid da l'electricidad
- tractar las chemicalias cun las mesiras da precauziun necessarias per proteger ils collavuraturs e l'ambient
- lavar ils objects suenter il tractament ed modifitgar las surfatschas sche necessari
- metter puspè en funcziun ils bogns d'electrolit suenter la purificaziun

- documentar las lavurs, ils tests, las analisas e las controllas da qualidad
-

Mantegnair ils indrizs

- endrizzar e calibrar (drizzar exactamain) ils indrizs, ils apparats e las maschinas
- mantegnair ils indrizs technics sco pumpas, maschinas da pulir u mesirar ed instruments da controlla ed examinar ch'els funcziunan correctamain
- exequir reparaturas pitschnas

Ambient da lavur

Tut tenor manaschi, abilitads ed experientscha sa spezialiseschan galvanostegistas e galvanostegists per exempel sin la galvanotecnica generala, sin la galvanotecnica da metals prezius, sin la tecnica da surcromar ferm, sin la produenziun da tocca per l'industria da stampa. Tut tenor ils products utilisads dovra la glied da professiun vestgadira da protecziun, sco eglers, guants u maschinas e sto sa tegnair exactamain vid las perscripziuns da segirezza. Forza fisica è d'avantatg, perquai che las personas professiunalas ston star bler en pe e sa muentar bler.

Galvanostegistas e galvanostegists èn personas dal fatg dumandadas sin il martgà da lavur. En Svizra lavuran ellas cunzunt sin il sector da l'industria d'uras e bischutaria u en la produenziun da tocca da construcziun u maschinas.

Pretensiuns e interess

Pretensiuns

- Moda da lavurar sistematica
- Moda da lavurar conscienziusa ed exacta
- Inschign manual
- Dun per cifras
- Abilitad da lavurar en in team
- Abilitads analiticas
- Chapientscha tecnica
- Resistenza corporala

Interess

- S'occupar cun electricitad ed electronica
- Lavurar cun ils mauns
- Elavurar metal

Scolaziun

Manaschis

En in manaschi spezialisà en la surtratga da surfatschas u en la galvanotecnica

Scola

1 di l'emna a la scola professiunala

Curs odaifer il manaschi

Tar differents temas

Durada

3 onns

Cundiziuns d'admissiun

Temp da scola obligatoric terminà

Maturitad professiunala

Fitg bunas prestaziuns da scola permettàn da frequentar la scola da maturitad professiunala durant la furmaziun da basa.

Titel da finiziun

Galvanostegist / Galvanostegista AFQ

Furmaziun cuntinuonta

Curs

Purschidas da scolas professiunalas e spezialisadas

Examen professiunal (EP)

P.ex. spezialista galvanotecnica cun certificat federal

Scola specialisada superioriura (SSS)

P.ex. tecnicist dipl. SSS, electrotecnica u tecnicista dipl. SSS construcziun en metal

Scola auta specialisada (SAS)

P.ex. Bachelor of Science (SAS) en chemia resp. Life Science u Bachelor of Science (SAS) en electrotecnica, e.u.v.

En Germania

Tecnicist / Tecnicista da la direcziun speziala galvanotecnica, p.ex. a Schwäbisch Gmünd, Solingen, Ilmenau u a Nürnberg

Professiuns sumegliantas

Ulteriuras infurmaziuns

Swissdoc Nummer

TODO

SSO Schweizer Stiftung für Oberflächentechnik

<https://www.sso-fsts.ch>

Uniu SWISSGALVANIC manaschis svizzers da galvanotecnica

<https://www.swissgalvanic.ch>

Vereinigung Schweizerischer Verzinkereien VSV

<https://www.verzinkereien.ch>

TODO

<https://www.becc.admin.ch/becc/public/bvz/beruf/show/42003?lang=de>